

李文忠公奏稿

李文忠公奏稿

卷之二十目錄

海船苦累變通辦理摺

同治十一年九月初五日

覆陳永定河保案片

同治十一年九月十七日

周馥留直片

同治十一年九月十七日

河工要缺變通酌補片

同治十一年九月十七日

鎮海輪船留津摺

同治十一年九月二十三日

預請撥款辦工代賑摺

同治十一年九月二十三日

奏報機器局經費摺

同治十一年九月二十三日

劉盛藻赴陝接統銘軍摺

同治十一年九月二十六日

潘鼎新留津彈壓片

同治十一年九月二十六日

請續撥張家口糧臺餉摺

同治十一年十月二十二日

會議豫省鹽運加價改章摺

同治十一年十一月初三日

外省捐賑請獎片

同治十一年十一月初三日

奏留彭楚漢片

同治十一年十一月十二日

蘆課緩解片

同治十一年十一月十二日

截留京餉摺

同治十一年十一月十五日

試辦招商輪船摺

同治十一年十一月二十三日

軍營米糧請免釐稅片

同治十一年十一月二十三日

覆陳畿輔邊防摺

同治十一年十二月初五日

朱慶暫緩赴甘片

同治十一年十二月初五日

添撥永定河汛兵摺

同治十一年十二月初九日

奏保李興銳片

同治十一年十二月初九日

存棧練餉錢文全數發竣摺

同治十一年十二月初九日

交安天津大窪地蠲糧

捐

同治十一年十二月十九日

練軍酌添洋鎗教習片

同治十一年十二月十九日

賑款請免報銷摺

附清單

同治十一年十二月十九日

盧溝橋南岸漫口工程

摺

同治十一年十二月十九日

日本使臣來津換約摺

附清單

同治十一年十二月二十日

李文忠公奏稿卷二十

全集一之二十

桐城吳汝綸編錄

海船苦累變通辦理摺

同治十一年九月初五日

奏爲天津甯河兩縣海船代運奉天各州縣米豆苦累日甚擬請變通辦理恭摺仰祈

聖鑒事據天津道丁壽昌詳據天津甯河兩縣海船戶疊次具呈代運奉省米豆賠累不堪懇請設法拯救經該道飭據該兩縣查得乾隆年間奉省先有運京米豆七千餘石派天津縣代備海船駛赴牛莊裝運每百石發給水腳銀十四兩是爲牛運嗣奉省錦甯廣義四州縣徵收米豆四五萬石亦令天津縣代備海船分赴錦甯兩口裝運是爲初次兩運因津沽船戶差使過重又飭將兩運米豆山甯河縣海船分成裝運蓋從前津甯兩縣船多奉省船

少故有代運之舉該船戶所領水腳不敷向由津甯兩縣出海商船公攤津貼其時奉省米豆按時兌裝往返不過兩月並無守候之苦該兩縣海船共有七百隻上下生理頗旺津貼之費尙可勉強支持歷經照辦幸無貽誤乃自天津通商以後各國火輪夾板等船裝多駛速日漸增添內地海船生意多被佔奪十年之間拆賣大半現存不過二百隻仍責以代運奉省米豆津貼愈少川費愈艱現在水腳照章改撥六成實銀再除平飯等項所領有限而近年奉省州縣疲玩益甚倉無米豆又不及時采買雖經戶部及倉場疊次嚴催奏參補運何辦不及正運更屬無期直省雇往各船守候經年並無開兌只得空回次年復去仍須停泊數月始有兌運者眾船一再往返坐食耗費綜計每運須賠銀二三萬兩殷實者八九蕩產中下之戶更不堪問若再代運必致現存之船全

數拆賣船戶既受大累運務終歸無濟不能不亟籌變通之計曰  
下海禁已開奉天各海口多有江浙直東貨船在彼販運連檣停  
泊迴非昔年船少可比上年錦口自雇張福順等船裝來粟米一  
千三百餘石是其明證應請嗣後此項米豆改歸奉省自行雇船  
運津何時米豆辦齊卽何時就近雇運其勢較便無須守候逾年  
又省來回水腳庶免貽累鄰封斂怨商民且東南各省漕糧皆係  
備船自運奉省應納之糧雇船運送亦分內之事直省備船代運  
本係通融辦法若商船尙多兌運又速斷不容稍有推諉今津甯  
船戶萬分困苦守候往返糜費過鉅勢不得不請歸該省自運以  
專責成並非取巧等情稟經該道核明詳

奏前來臣確加查察該船戶等實因生意大減運務屢賠鉅貲船  
隻日漸拆以津貼無措苦累不堪礙難強爲勒倡再令代運應請

准歸奉省自行雇船運津以紓鄰困而歸便捷所需水腳等項仍照舊章由直籌撥搭解若慮奉省海船不願承運並請仿照南省海運准其二八搭貨免納出口進口稅釐當更踴躍其米石到津後起剝運通一切事宜仍由天津道督同地方官妥爲經理接運所有奉省米豆海船擬變通辦理緣山理合恭摺具陳伏乞

皇太后

皇上聖鑒敕下戶部嚴准施行謹  
奏



題陳永定河保案片

同治十一年九月十七日

再查永定河古稱難治雍正乾隆年間物力豐盛屢改下口僅獲苟安伏讀

高宗純皇帝觀永定河題詩注云目下固無事數十年後殊乏良策未免永念惕然等因欽此

聖哲先幾之明萬世臣子同深欽佩迄今百數十年下口益淤中洪益壅專恃夾隄束水本無善策又經兵燹彫殘之後部撥歲搶修額款疊次停減廢弛更甚上年異漲沖潰多處臣督飭在事各員窮數月之力補苴罅漏水旱各口倖均堵合又借賑款加培隄埝尙爲撙節覈實其勞苦出力者不得不據實保獎以資激勸本年七月十七日御史邊寶泉奏奉

上諭近聞永定河北岸隄工決口前據李鴻章奏保永定河合龍

出力人員摺內聲稱兩岸隄埵已培補堅厚何以又復潰決在工人員所司何事著卽查明參奏並著該部將前次保案卽行撤銷等因欽此其時蓋不知臣已查明漫口情形於七月十六日先行專摺參奏並自請議處未敢稍有回護也竊思河工修防各有汛地賞功罰過理貴持平本年七月間北岸頭工下汛十七號水大漫隄成口係石景山同知王茂燠署北下汛縣丞唐照防守地段距上屆盧溝橋南岸石隄合龍工段計七十里之遙若以北岸防守不力之過而加於南岸經修完固之員一隅失事之咎而罰及通工保護隄段之人似不足以示勸懲況河工向例決口必須查參合龍卽須覈獎未聞有罰而無賞者上年兩次決口臣俱照例參辦合龍則臣亦照例請獎決口只責專汛合龍必資眾力歷辦成案皆然非自今日始也至石土各隄失修多年春閒僅能擇河

隄卑薄處加培高或三五尺寬或二三丈不等冀以塘護潦水因  
北岸頭工十七號原有隄埵與加培處高低相平故未月行加工  
不意七月初二夜水勢過猛大溜頂冲浪頭擡高數尺翻過隄頂  
竟至無從措手實非已經加培處所偷減尺寸不能禦水之咎且  
前次保案原係合龍出力並非因培隄月行請獎即臣彙獎單內  
均照尋常勞績核擬並無冒濫加優之處此次漫口仍調前保各  
員熟手晝夜趲辦得以妥速竣工其勞動實未可混合無仰懇  
天恩准將撤銷之盧溝橋石隄五號尾大工合龍前後兩次保案  
敕部更正注冊仍遵前

旨將彙獎清單覈議具奏以昭平允而勵將來出自逾格

鴻慈是否有當理合附片懇陳伏乞

聖鑒訓示謹

奏

奏和子

臣

周馥留直片

同治十一年九月十七日

再查奏調河工差委江蘇候補知府周馥上年會辦盛溝橋石隄五號大工合龍案內經臣以該員耐勞忍苦辦事核實冀於直省河防有裨保請免補本班以道員改留直隸儘先補用奉

旨著照所請該部知道欽此嗣准吏部議覆仍令補交離省分發

銀兩改留直隸俟補缺後以道員補用此次北岸頭工十七號漫

口臣又奏明飭令該員馳往工次會商河道李朝儀趕緊搶堵正

值秋汛水大經費支絀眾心疲懈勢難必底於成該員力任勞怨

晝夜經營多方鼓舞竟能逾期蒞事使河流及早復舊毋誤窮民

種麥之期尤為有裨時局據永定河道李朝儀稟稱該員周馥兩

次來工經年督役果敢任事忠實性成凡危險喫緊之工得無疏

失而能成者皆該員之力居多在尋常勞績百數十人中實為異

常出力應懇奏請仍以道員留直補用等情臣查河務棘手之際得人爲難該員向辦工程深知款要近年派往永定河查勘籌辦歷練較熟操守廉潔足式浮靡是以臣於本年三月間附片據實

懇恩留直以道員補用以爲任事認真者勸前案現經片請更正部議既准俟補缺後以道員用今屆搶堵險工安速成事實賴其力雖部章尋常勞績不准免補本班惟河工熟諳機宜撙節款項者殊不易得亟須儲才備用相應懇

特恩將補用知府周履仍照前保免補本班以道員留直儘先補用俾資贊助嗣後不得援以爲例伏乞

聖鑒訓示施行謹附片具

奏

河工要缺變通酌補片

同治十一年九月十七日

再查河工要缺例歸外補永定河五廳二十一汛皆按資格由藩司河道會詳題咨序補向未有酌補之案惟是人才有強弱工段分平險營有積資累考之員而不勝煩劇經明行修之士而未諳工程乃爲例議所拘未便棄而勿用則臨事必至貽誤今欲講求實濟須才與事稱酌量器使可漸收效查地方州縣有實係人地相宜例准聲明請補而河工要缺尤關係百姓安危應擇其最險之工如永定河南岸同知南上汛霸州州同南下汛宛平縣縣丞南二工良鄉縣縣丞南四工固安縣縣丞南七工東安縣主簿北岸同知北下汛宛平縣縣丞北三工涿州州判等缺據該河道李朝儀稟稱擬請不拘序補章程或由現任升調或由候補試用內通融揀補必得熟諳河務能耐勞苦人員庶用其所長而臂指

可恃以上各缺應均改爲酌補如數十年後或變險爲平及他汛  
平工或又變爲險山河道查明詳奏核請更改其餘次險工段員  
缺仍照例核辦當此河務廢弛已久有志者徒勞而不能驟見功  
效心力漸灰其旅進旅退者又以害多利少而不能振作非於進  
賢之途略寬文法使其砥勵斷難日有起色所有河工險要員缺  
擬請隨時變通酌補緣由謹附片具陳伏乞

聖鑒敕部覈准施行謹

奏



鎮海輪船留津摺

同治十一年九月二十三日

奏爲酌留閩省新製鎮海輪船駐津巡緝並妥籌經費章程恭摺  
仰祈

聖鑒事竊臣前准總理衙門會同戶部議覆福州將軍文煜等奏  
續造輪船應如何分派各省一片以閩局製造輪船原爲備物制  
用亟應分布海口以期熟悉風沙如直隸之天津等處海道可通  
若撥用閩省船隻可節閩局薪糧且不致以有用之船置之無用  
應令體察情形分別奏咨撥往應用所需薪糧各費准由各省洋  
藥釐金項下就近動支等因具奏奉

旨依議欽此查達前來伏查北洋三口洋面遼闊向未專設巡洋  
水師亦無捕盜輪船現值各國通商輪船雲集中國僅有商船漁  
船可以出口海口數里以外聲息難通誠恐盜賊乘閒竊發天津

爲京師門戶各國官商往來輻輳英法俄美皆常有兵船駐泊我亦必須有輪船可供調遣稍壯聲威臣於上年四月內咨商前兩江督臣何國藩飭調滬局操江輪船赴津爲北洋巡哨之用其薪糧由蘇省撥發所需煤炭洋油各項就近由天津機器局支給該管帶官總兵馬復震沈毅有爲近來屢派赴奉直一帶洋面梭巡甚爲得力惟通商總匯之區僅借用滬局一船尙不足以資周轉聞省輪船既須分布並應籌商添撥本年春間閩廠萬年清安瀾輪船運解賑米到津當飭津海關道陳欽天津機器局道員沈保靖前往查驗或船身過大或喫水較深均於津郡海口不甚相宜聞其新製鎮海輪船係兵船式樣可期適用復經咨商閩浙督臣文煜福建撫臣王凱泰飭據船政提調道員夏獻綸覆稱該船於五月底竣工六月初出洋試演茲已揀派把總陸倫華管帶於

八月二十三日駕駛到津臣督同海關道陳欽機器局道員沈保  
靖吳悅誠等親往驗閱該船計長十六丈船尾喫水十一尺氣爐  
馬力八十四匹氣機等均在水綫以下實係兵船式樣船身堅固礮  
位精利陸倫華人尙幹練向在洋船幫夥風沙礁崙皆已熟習輪  
船喫水尺寸出入天津海口亦爲便利自應遵照總理衙門奏案  
撥歸直省留用隨時與滬局輪船輪替出洋駐泊且可與東海山  
海各關現撥輪船聯絡會哨據閩省咨冊管駕舵水管輪升火等  
項薪糧大建月支銀一千一百七十八兩小建月支銀一千一百  
三十八兩三錢三分三毫公費一項現議月給銀二百四十  
兩此有定之款每年約其需銀二萬兩上下至煤炭大宗及油漆  
釘繩旗幟號衣雇覓引水添派弁兵等無定之款尙難預計此項  
經費甚鉅總理衙門原奏准由洋藥釐金項下動支查津關洋藥

釐金奏明專作海防軍餉每年約收銀六七萬兩全數撥充支應  
局月餉尙多不敷實難再議分撥臣先與該關道籌定新墾洋藥  
釐金一款擬即專作輪船經費如有不敷應查照山海關成案暫  
由四成洋稅項下酌量勻撥據實詳銷該船隨時小修所用生熟  
鐵器具及外洋貴重物料由天津機器局察酌購製給領儼船身  
損壞必須上馬大修仍令駛赴閩廠修理其餘未盡事宜容再督  
飭妥辦再臣每年分駐天津省城兩處久暫未能預定現留鎮海  
輪船自應督率調遣應仍歸津海關道鈐東節制以專責成所有  
調用閩省輪船駐津巡緝北洋緣由除分咨查照外理合恭摺具  
奏伏乞

皇太后

皇上聖鑒訓示謹

癸

稟請撥款辦工代賑摺

同治十一年九月二十三日

奏爲預請籌撥庫款以備來春辦工代賑之需恭摺仰祈

聖鑒事竊照直隸地方本年六七月間雨水過多西北口外山水暴漲匯注各河致永定河北下汛漫口大小清河潞龍河陡岸亦多漫決渾沱河本無隄防橫流四溢近河州縣村莊多被淹浸經臣分別籌辦奏報仰蒙

恩准截留江北漕米十萬五千餘石接濟民食現在永定河漫口合龍被水各處亦經督飭地方官查勘疏消幸晴霽日多客水漸次撤退高地秋收尙好水涸之地不誤種麥惟窪區積水過深計順屬災分較多除由府尹臣另請添撥銀米外臣卽於截存江北漕米項下撥給順屬六萬石其餘四萬五千餘石歸直屬災歉州縣一律改賑爲撫已派定米數分飭印委各員趕緊領運查明戶

口核實散放以資接濟應需運腳等項由籌賑局另行酌撥伏查上年賑務臣於奏請截留漕糧外復請於藩運兩庫撥銀二十五萬兩並由南省協濟集捐乃克支持危局本年被災情形固較上年爲輕但所請米石除去順屬賑需直隸所餘無幾其災分較重之安州河間任邱天津雄縣獻縣新城安平靜海深澤等處分給前項漕糧今冬尙可敷衍來春青黃不接窮民乏食堪虞且河道多被衝壞隄埵未補去路未通若任其廢弛不修卽水小之年難免漫溢如省城迤東之潞龍河下口及白洋等淀淤墊日甚南隄一決遂與滹沱合流爲患甚大議將下口開寬濬深並將西淀河開挖引河以期疏暢大清河雖經今春挑築而限於地勢盛漲不能容納亦須擇地開挖減水分流之河以殺其勢其各該河民隄漫口現當災歉之餘民力實有未逮亦必官爲籌堵使水歸正

道又永定河善後各工仍須察看加修文安大窪積水丈餘尤應擇地挑挖引河冀稍疏洩臣已商飭司道分派委員詳細查勘妥議辦法明春次第開工招集附近飢民供役俾資糊口自來救荒之策若帑項充足散錢發粟廣賑戶口雖數百萬不爲多若經費支絀挑河築隄以工代撫雖十數萬亦有濟當此物力艱窘庫儲拮据臣與藩司孫觀再四籌商移緩就急擬於司庫地丁項下儘數催提酌撥銀十萬兩以爲來春賑需卽擇辦前項要工以工代賑合無仰懇

天恩准照辦理俾災黎藉得備趁庶免失所流離而河道稍固隄防亦可減輕水患洵屬一舉兩得如有不足再於籌賑局節存捐款練餉局江南協款內隨時酌量湊撥此項緊要工程專爲接濟災民量工授食通力合作礙難照例估計臣當督飭司道遴委廉



正耐勞之員核實經理認真查察斷不准絲毫浮冒事竣開單奏報免造細冊以符向章除將各州縣災歉蠲緩事宜另行議奏外所有預請籌撥庫款以備明春辦工代賑緣由理合恭摺具陳伏乞

皇太后

皇上聖鑒訓示遵行謹

奏

奏報機器局經費摺

同治十一年九月二十三日

奏爲天津機器局自九年八月至十年十二月動用經費各款援案開單奏報恭摺具陳仰祈

聖鑒事竊查天津機器局自同治六年四月開局起至九年七月底止經前任三口通商大臣崇厚等將創辦情形動用經費開列簡明清單具奏欽奉

上諭天津機器局告成所有單開用過銀數卽著准其開銷應如何斟酌添製開拓之處著交李鴻章妥爲籌畫奏明辦理等因欽此臣遵卽將該局事務悉心妥籌酌量開拓飭委湖北補用道沈保靖總理其事並委津海關道陳欽會同經理疊經奏明在案該道等接辦以來加意研求配製洋火藥銅帽添造機器礮彈礮架等件均屬精利適用增建廠房添購礮器興造藥庫加築圍牆亦

經次第規畫駕馭中外匠役實心實力處置裕如整頓一切具有條理可冀漸收成效惟上年夏秋淫雨連旬洪流暴漲局地低窪遂成巨浸非特新建工程勢須停頓卽已成各工購到物料猝遭淹浸諸形棘手該道等督率員役極力補救將機器房座設法保護並將技藝未精之洋匠分別辭退以節經費總管洋員美國領事密安士於機器未甚精覈亦卽因病撤差另募熟手接辦交冬以後水勢稍退涸出各廠早經修復其淋硝合藥廠基低處逐漸增高鑄鐵熟鐵鋸木等新廠未竣各工趕緊相機籌辦增購外洋碾藥機器亦俱陸續運到仍就現在規模妥爲措置所有該局動用款目自同治九年八月起至十月底止係前署三口通商大臣成林等經辦九年閏十月起至十年十二月底止係該道等經辦前任通商大臣崇厚報銷案內尙餘銀一千三百五十八兩五錢

二分三毫物料約值價銀數千兩該局陸續由關庫四成洋稅項下領過銀二十五萬六千八十兩八錢九分五釐六毫共計一年零六箇月支用銀二十四萬四千九百八十八兩九錢七分八釐二毫一絲二忽截至十年冬底止仍存銀一萬二千五百六十六兩六錢二分三釐六毫八絲八忽尙餘一切物料約值銀五萬數千兩甚爲覈實節省茲據該道等詳稱局內所購機器物料來自西洋名目互異筆難盡譯其製造諸法隨時與洋匠講求改變費工費料較多中外匠役量才給值高下懸殊又復隨宜損益均無例價可循核與軍需營造各則例實在不能相符亦未能劃期造報仍懇援照成案開單請銷會詳請奏前來臣查該道沈保靖在上海辦理機器局務多年於外洋製器事理聞見較熟時與津海關道陳欽經營商榷深費苦心且能破除情面嚴束員匠撙節經

費毫無虛糜臣就近隨事督察日省月試據詳各節委係實在情形若飭令將名目件數逐細造銷勢必多方遷就轉非核實之道謹援照向章繕具簡明清單恭呈

御覽合無仰懇

天恩敕部查照成案照單准銷實於局務有裨除分咨總理各國事務衙門戶部知照外所有天津機器局一年零六箇月動用經費據實開單緣由理合恭摺具陳伏乞

皇太后

皇上聖鑒訓示謹

奏

謹將天津機器局自同治九年八月起至十年十二月份止  
收支各項銀兩分列款目繕具清單恭呈

御覽

計開

舊管項下

一原存庫平銀一千三百五十八兩五錢二分三毫

新收項下

一收津海關陸續移撥四成洋稅庫平銀二十五萬六千八十兩  
八錢九分五釐六毫

一收總理洋人美領事密安士等借支物料繳回原價庫平銀一  
百十六兩一錢八分六釐

以上共收庫平銀二十五萬六千一百九十七兩八分一釐

六毫

開除項下

一給發員弁司事人等薪水心紅紙張等項庫平銀一萬四千五百六十五兩九錢一分一釐八毫六忽

一給發總理洋人及各廠洋匠薪水工食等項庫平銀四萬七千四百四十六兩七錢一分五釐二毫七絲五忽

一給發仿造外洋機器火藥銅帽工匠學徒夫役工食等項庫平銀二萬八千九十兩八錢八分五釐八毫四絲八忽

一給發采買外洋銅鐵鉛木植煤炭硝磺漆油鋸水雜物及起運器料公司保險輪帆各船腳價等項庫平銀六萬五千九百五十一兩一錢五分七釐七毫五絲七忽

一給發仿造外洋廠屋住房藥庫挖濠墊土各工購買外洋油松

水泥及采辦缸甌瓦石等項庫平銀三萬八千七十二兩三錢三分三釐六毫八絲八忽

一給發定購聚礮銅帽捲銅皮機器及購到火輪機磨各件海防備用後門進子銅礮等價及洋行墊本利銀公司保險等項庫平銀四萬三千五百七十二兩三錢一分四毫

一給發天津行營製造局及上海操江測海輪船巡防津沽支撥物料等項庫平銀七千二百八十九兩六錢六分三釐四毫三絲八忽

以上共支庫平銀二十四萬四千九百八十八兩九錢七分八釐二毫一絲二忽

實在項下

一存庫平銀一萬二千五百六十六兩六錢二分三釐六毫八絲



入忍

劉盛藻赴陝接統銘軍摺

同治十一年九月二十六日

奏爲臬司劉盛藻遵

旨來津

臣

與商定機宜飭卽克期赴陝接統銘軍並豫籌交替一

切事宜恭摺具陳仰祈

聖鑒事竊

臣

承准軍機大臣字寄同治十一年八月初五日奉

上諭遇缺提奏按察使劉盛藻向隨劉銘傳在營帶隊約束嚴明  
最稱得力此時曹克忠所部銘軍兵將既不相洽若不易人統帶  
必至以百戰勁旅悉行潰散後患殊深著英翰傳知劉盛藻兼程  
前赴天津聽候李鴻章面授機宜迅行赴陝接統銘軍不得稍涉  
遲回致滋貽誤等因欽此臣遵卽專函飛催劉盛藻克日由籍起  
程旋接稟稱該司自九年冬假回後舊疾時發今秋更形加劇兼  
之親父年邁不忍遽令遠離惟仰蒙

候詔敦促義何敢辭卽於八月二十五日力疾就道前赴天津等語該臬司遂於九月二十二日馳抵津郡臣正與籌商聞欽奉九月二十四日

寄諭陝省防務緊要銘軍素稱勁旅統帶需人劉盛藻一抵天津李鴻章卽指示一切防剿事宜飭令該臬司剋期赴陝以資得力並將抵津及起程日期先行具奏等因欽此臣前因欽奉

諭旨以此軍不但無益陝防且恐激生事端應如何撤回安插俾有用之兵不至潰散爲患地方等因是以奏請

敕下劉盛藻迅往接統妥撤回南徐籌安置惟軍情旦夕變更殊難逆料昨據駐防長武銘軍統帶總兵丁汝昌稟稱甘軍楊世俊所部奇營紅白旗馬隊在馬營監潰變襲脅頗眾由秦州東竄清水欲犯陝照曹克忠親統乾州馬步七營於九月初七日由扶岐

大路往堵並調邠州銘軍先鋒馬隊七成走汧隴小道迎擊先鋒營官潘萬才帶隊行至麟遊縣屬柵木鎮二十里之山窩內適遇該潰勇由靈臺縣竄來當卽布陣環攻悉數收撫計人馬六百餘駐防鳳翔總兵徐邦道亦收降潰勇百餘人並據探報河州大東鄉回黨復有蠢動之說等情曹克忠咨報大略相同是甘省戰事方殷隴上一日未定卽關中一口不安陝西撫臣邵亨豫來函盼望劉盛藻速往且謂銘軍必須留鎮以維大局勢不能遽議撤回臣復與劉盛藻再四籌商以曹克忠去冬接統後各營統帶營官略有更易舊日得力弁勇多已逃回陸續就地添募難保無游勇會匪冒濶其間常不免造謠生事茲前往整練必使盡復舊觀防剿始爲可恃現駐保定之銘字親軍洋鎗炸礮兩營本係劉銘傳與該司隨身勁卒上年經劉銘傳帶回移交臣留衛護輔應仍調

歸該臬司帶往陝西以資護衛鈐制所需餉項軍火臣竭力湊撥用備不虞又軍中襄事得人爲要劉盛藻以書生從戎身經百戰廉正恂謹饒有儒將之風襄統銘軍尙多得力熟手查有記名提督駱國忠義能服眾智足應變前總理營務駕馭得宜十年七月間劉銘傳請假離營摺內曾舉該員自代湖北補用道閔克顯樸實廉勤久辦銘營轉運糧餉措置妥洽臣已檄調該二員隨同劉盛藻赴陝幫同整頓一切該臬司既爲銘軍將士所悅服又得駱國忠等相助爲理自可操縱裕如現定於十月初二日由津起行赴陝臣已刊給總統銘字武毅馬步各軍木質關防飭於抵陝後接統該軍認真訓練遇有防剿事宜隨時就近稟商撫臣邵亨豫妥籌調度一面通報查考俟陝甘局勢大定再由臣察度緩急商令撤回安置其解運餉項軍裝等項仍照曹克忠舊章由湖北後

路撤按月籌撥搭解西安糧臺交詹事府少詹事袁保恆轉運  
到營勿稍缺誤至曹克忠前以足瘡加刷人地不宜請選賢能往  
代臣已於八月初二日奏明在案旋又接其八月二十二日來函  
求退愈切並請於交替後飭調該提督回津養病月候差委頃又  
接據九月十四日來函以力疾迎勦潰勇雖收撫淨盡而病勢有  
加仍懇酌揀大員來陝接替俾得靜心調治等語該提督一聞警  
信帶隊急馳定變俄頃忠勇奮發殊堪嘉尚惟久患足疾平時聯  
絡訓練未能周到既據再三商懇應請俟劉盛藻到營後逐細交  
替清楚准令回津調養劉盛藻未到以前仍責成該提督照常布  
置前據該提督前報月添募親兵三營三哨並隨營差遣員弁甚  
多現在餉源竭蹶應陸續妥籌遣撤勿任滋事俟會同劉盛藻辦  
妥一切再行離營該提督前奉

旨辦理肅州一帶軍務准其專摺奏事茲肅州毋須前往且將交替營務應否山臣傳知該提督毋庸奏事如有必須陳奏事件或

者由臣處轉奏或由陝西無臣代奏之處恭候

命下遵行所有劉盛藻來津商定機宜剋期赴陝接統銘軍緣由謹繕摺由驛覆陳伏乞

皇太后

皇上聖鑒訓示謹

奏

潘鼎新留津彈壓片

同治十一年九月二十六日

再頭品頂戴前山東布政使潘鼎新於同治九年三月開丁親母憂稟經臣具奏奉

旨著准其在籍終制欽此同治十一年六月該藩司服闋在安徽原籍呈報起復現在由籍赴京道經天津臣擬將赴大名一帶閱兵回省正慮津郡冬防喫緊難以分身督率查潘鼎新由舉人從軍歷年帶隊前敵克復蘇浙各城勦平東西捻股戰功最著同治四年夏間直東軍務告警臣奏令該司統率洋鎗礮隊十餘營由上海雇搭輪船航海赴津繞至山東攔頭迎擊七年四月張總愚大股直撲天津該司會同郭松林等統軍兼程追擊獲解城圍實屬深知緩急有裨大局津郡軍民尙懾服其聲威現在留防將弁多係該藩司舊部及行間其事之人懇



恩飭留潘鼎新暫駐天津會同鎮道及各統領督飭認真操防彈壓以靖地方俟明春開河臣回駐津郡以後再令該藩司赴京陛見恭候

簡用是否有當附片具陳伏乞

聖鑒訓示謹

奏

請撥張家口糧部餉捐  
同治十一年十月二十二日

奏爲續懇

飭撥張家口糧部餉捐仰祈

聖鑒事竊據口北道奎斌稟稱同治九年十二月間奉飭在張家口設立糧臺領到部餉辦運口外各路軍糧截至十年年底止尙存正款銀一萬四千五百餘兩餘平銀七十六兩有奇業經造冊報銷十一年三月內續領到部餉銀三萬兩計自本年正月起調赴伊犁吉林官兵五百名調赴哈密黑龍江官兵五百名駐紮烏城吉林頭起黑龍江二起官兵五百名達爾濟所帶察哈爾官兵一千名應需口糧均已運至十二年四月杜嘎爾所部吉林二起察哈爾五起並隨營官兵五百餘員名應需口糧已運至本年十月惟黑龍江四起官兵口米僅運至本年正月其二月至十月米

石雖已備辦向未奉飭起運統共運過兵米一萬二千餘石所需米價並牛毛袋單油各袋細繩等項以及辦運駐紮庫倫宣化古北口練軍裝盛米繩袋暨糧臺委員薪水倉夫斗級工食賃房價值統共用過銀四萬八千餘兩除將前次報銷存款及續領部餉儘數動支外又在續餉局解到駐防庫倫之宣古兩軍米價內借墊銀三千餘兩現由察哈爾都統奏飭將各路官兵明年五六七等月軍糧運足以備緩急業飭委員趕緊辦查各營口糧運至明年七月尚需米三千數百石又奉文添辦烏魯木齊都統行營日需米四百石及庫倫宣古兩軍繩袋等項需款甚鉅稟請奏撥前來臣查西北各城征兵軍糧皆須由口北糧臺及時購運以來經臣三次奉撥部餉銀九萬兩該臺陸續動支尚爲撙節現值籌運明年兵米待用孔殷相應請

旨敕下戶部迅速照案籌撥銀四萬兩仍由順天府尹就近派員  
領解赴臺俾濟要需而裕兵食所有續請  
飭撥部餉緣由理合恭摺由驛具陳伏乞

皇太后

皇上聖鑒訓示再臣現抵大名校閱營伍事竣卽由廣平順德沿  
路閱兵察勘地方情形赴正定校閱回省合併陳明謹  
奏

會議豫省蘆鹽加價改章摺

同治十一年十一月初三日

奏爲會議豫省蘆鹽加價改由各商隨引交銀就近解部以補榮工經費恭摺覆陳仰祈

聖鑒事竊查豫省行銷蘆鹽加價一款上年升任河南撫臣李鶴年請改於龍王廟入境時派員查收繼請仍照同治六年章程查鹽於入境之時收價於銷鹽之後疊經戶部議奏事關撥補榮工能否照數徵完應由臣體察情形會同妥籌辦法等因當經分別咨商飭議嗣據長蘆運司議由南引各商每年按引攤交銀四萬兩免由豫省抽收擾累臣恐各商有規避情事復飭詳加考察又據該運司以商人領引築鹽有坵員監視開關放行有該司及委員秤驗自津至豫所過州縣十數處悉按水程行知稽核勢難夾帶重斤既不憚坵關及沿途州縣考察又何慮豫省委員盤查實

無規避尙屬近情惟該商等認交銀數較少飭令每年以五萬兩  
爲率於領引時交庫轉解一面函牘咨商河南撫臣錢鼎銘飭據  
該省藩司糧鹽道會議豫省就地稽收既有查催之繁又未能立  
見大宗若由長蘆按引收銀五萬兩可成鉅款事甚簡便並請就  
近解部等情詳經該撫臣核定照辦咨請會奏並行據長蘆運司  
魏羅成孚酌議章程詳覆前來臣維近年長蘆商情疲累萬狀實  
緣兵燹之後災歉頻仍生鹽短絀昂貴成本已增一倍南引運路  
千餘里河道淺阻其間駁易舟車腳價更重再由豫省抽收加價  
雖加於民間仍由商包繳商力彌形拮据是以前督臣曾國藩與  
臣皆有停免豫捐之請原爲保課恤商起見不得不因時變通若  
必以此項撥補榮工經費於保課恤商之中尙須兼顧部款部議  
既未能停免臣何敢過事拘執查豫省原定章程於龍王廟道口

兩處各有委員稽察驗放復由行銷鹽之五十二州縣按月飭查該店總帳分季催收且有領照銷照印報月報之繁層折甚多徒滋煩費故未幾而李鶴年請由各商自行彙交裁撤各處委員然每年定以八萬兩銀數太多商益加累兩限以後卽行拖欠亦非得已蓋捐款格外加徵正課關繫尤重欲使課捐兩無虧缺必量商力之所能行若僅顧官款不恤商艱則商力不支參懸接踵正課必因而貽誤部議以當此帑項未裕鹺務尤艱所以保課恤商須歸盡善誠爲至論自應妥籌辦法以期公帑商情兩得其當現經臣飭司議由各商每年按引攤捐銀五萬兩咨商錢鼎銘飭據該省司道會議咨覆彼此意見相同應請照此定議此項捐款本由加價而出雖計應加錢數較所交銀數稍多但原議加價本未能一律照加前此豫省收款半由各商自行彌補且現時成本

大重銀價太昂賠累甚鉅應將該省原定加價錢文仍循其舊以示體恤而符名實並由豫省各該州縣實力查緝鄰私勿任充斥侵灌免致辦理掣肘所有本年春夏兩季已由豫省抽收毋庸更議卽以同治十一年秋季爲始凡南引各商每年共交銀五萬兩一律隨引均勻攤交長蘆運庫就近解部本年引目現已將次領竣無憑隨引收繳應將秋冬兩季銀二萬五千兩勒限於十二月內如數呈交司庫委解其自明年起卽隨引攤交惟各商領引向須秋關方能踴躍嗣後每年應解銀兩應俟秋關領運完竣彙批解部以歸簡捷豫省就地稽收一切事宜亦均以本年秋季停止並將局卡裁撤現雖查無規避情事但南引均在道口落廠實爲要衝恐有奸商舞弊應歸長蘆派委廉勤妥實正佐各一員前赴道口設局由司將告運商名引數按旬開單飭知該員等俟引鹽



到岸認真考核儻有奸商夾帶隱射灑賣等弊立即照例懲辦該局應需書役及薪水飯食房價紙張等項悉照豫省舊章辦理書役責成委員嚴加約束不惟絲毫需索委員責成長蘆運司稽查惟道口距津較遠並由豫撫轉飭該省司道協查儻委員怠忽徇縱詳請咨會撤參其龍王廟落岸之鹽絕少卽由該地方官就近稽核毋庸設局至長蘆出庫南引以近五年從多計算一年可及十五萬數千道每引議攤銀三錢五分每年可彙收銀五萬餘兩除應解正款五萬兩其平飯解費及設局經費一併核實開銷但能否如數領引殊不可必將來設或不敷應由該商等攤補足額儻有盈餘仍存司庫備抵下年解款此係各商公議既有加價劃抵不准藉口短欠而樂工撥補之款不過量展年分亦可逐漸歸補冀於庫款商情各無窒礙仍由臣隨時體察豫省銷數及課款

恨形

奏咨安辦所有會議緣由理合會同河南撫臣錢鼎銘合詞恭摺

覆陳伏乞

皇太后

皇上聖鑒敕部知照謹

奏

外省捐賑請獎片

同治十一年十一月初三日

再上年天津河間等府被水成災經臣籌款賑撫並奏明由南省勸捐接濟所有勸辦出力各員疊經

奏獎在案茲查有三品銜浙江補用道史杰鹽運使銜前甘肅平慶涇道方臻大籌勸淮商賑捐出力史杰復於鹽商捐款內湊集實銀一萬兩方臻大復捐棉衣八千件先後解交天津籌賑局搭放實屬好義急公異常奮勉史杰方臻大均擬請

賞給二品頂戴俾昭激勸此次淮南商捐銀兩及棉衣折價合計至二十二萬之多均由在事各委員自備資斧實力勸辦不無微勞足錄據兩淮鹽運使方濬頤江蘇遇缺題補道徐文達稟請核獎前來相應繕具清單恭呈

御覽仰懇

天恩准予分別給獎以示鼓勵理合附片具陳伏乞

聖鑒訓示謹

奏

奏留彭楚漢片

同治十一年十一月十二日

再大名鎮總兵彭楚漢蒙

恩簡授福建水師提督自應檄赴新任惟查該提督係前陝甘督臣楊岳斌部下著名驍將轉戰水陸各路久經大敵謀勇兼優同治八年經前督臣曾國藩奏調來直委令統帶保定馬步練軍臣接任後見其訓練嚴整巡緝地方擒獲積年梟匪盜首多名軍民感戴旋奏請

補授大名鎮總兵又飭添帶大名練軍二營天雄軍一營此次校閱該部兵隊整肅異常實爲不可多得之將伏思

畿輔爲根本重地選將練兵必須得人彭楚漢所統保定大名練軍五營悉心募練頓改舊觀緩急尙爲可恃礙難遽易生手昨奉

十月二十三日

奏稿二十  
寄諭以鮑源深奏請思患豫防

飭於畿輔西邊要地安置數軍以壯聲援查大名在直省西南該鎮營汛多與晉邊接壤彭楚漢訓練調度既甚得力尤未便卽令交卸合無仰懇

聖恩准其暫緩赴福建新任仍留署大名鎮以資鎮遏而固畿防如蒙

俞允應請

敕下閩浙督臣揀員署理福建水師提督俾李成謀早赴長江是  
否有當伏乞

聖鑒訓示謹附片具

奏

鹽課緩解片

同治十一年十一月十二日

再本年長蘆正課奏銷前因上年災歉

奏明緩至十月原則依限徵解詎夏秋大雨西北山水驟至順天保定正定河間天津各屬沿河州縣低窪之處猝受其害灘窪地大率被淹引岸鹽包亦有沖化新收既極形歉薄舊存又多歸烏有遂致鹽木大昂且程途間有積水秋運不能及時腳價愈重銷數愈絀臣駐津時屢據各商呈懇將已緩本屆奏課及來歲應徵正課分年推展帶徵因奉撥東三省兵餉及京餉要需羽檄分催未便率准批飭勉力措繳仍令運司察看情形隨時妥籌稟辦茲據運司成孚以開徵兩旬有餘雖加卯比催課款尙無成數酌量議稟前來臣維鹽商疲累已久如果本年暘雨調勻產豐銷暢自可竭力輸將乃災患頻仍收歛銷絀力實不支即使一味嚴追

概行參革非特參不勝參而課項虛懸仍無實濟嘉道年間雖疊有推緩帶徵成案但在庫儲充裕之時則可今

國帑支絀餉需緊急何敢援例相衡惟有量予體恤以冀公帑商情兩免竭蹶現飭運司逐日開卯傳集各商勒限比追勸懲兼施無論如何爲難總期正課照額徵足惟年內爲日無多京奉餉需勢不能同時徵解奉天等省待餉尤迫應將徵起之項先儘奉餉於年內解清其本年應解京餉儘數陸續接解不過稍寬時日決不任其懸宕將來報解稍遲事出有因應請免其查參至應徵京外各衙門帑利向係年終必需之款惟歲歉商困實難兼顧擬請緩至來歲三四月間徵解俾得先顧正課商力稍資周轉查地方被災丁糧業經分別

奏緩鹽務課帑情形略同相應仰懇



天恩俯念長蘆經遭災歉商情窘迫准照辦理仍俟本屆課帑解  
清奏銷辦竣再督同巡司察酌明歲正課如何籌辦續行妥議理  
合附片陳明伏乞

聖鑒訓示謹  
奏

截留京餉摺

同治十一年十一月十五日

奏為津海關稅項不敷海防餉需本年京餉勢難續解援照歷屆成案留用並請將來年指撥京餉懇

恩飭部改撥恭摺仰祈

聖鑒事竊臣上年九月內因通籌津郡餉需不敷支應奏請將同治十年分津海關短解京餉銀兩准予截留並十一年應解京餉酌量減撥奉

旨戶部議奏欽此旋准部議將該關欠解十年分京餉在其暫行留用仍照舊撥十一年分京餉天津關常稅銀五萬兩洋稅銀十萬兩行令於本年五月並十二月初間全數解清當經轉飭遵照在案茲據津海關道陳欽詳稱天津鈔關徵收常稅暨內務府盈餘等項本年四月間奉撥織辦

大婚賞件銀三萬六千七百兩其餘銀一萬二百四十三兩零儘  
收解部詳請抵解京餉所有欠解銀十萬三千五十六兩零現奉  
戶部奏催趕緊查同治九年冬間奉飭籌議天津海防練兵月  
餉合計津海關六成洋稅洋藥釐捐及東海關協餉以洋稅暢旺  
之時爲率約可撥銀二十八萬兩今自同治十年十一月二十  
一日第四十六結起至十一年八月二十八日第四十八結止共  
徵收洋稅銀二十二萬七千一百三十三兩零除專歸機器局四  
成並八分經費及一分二釐火耗外核計六成洋稅止有十四萬  
七百六十七兩零又自八月二十九日起至十月底止第四十九  
結內連未結帳船隻約計六成洋稅不及五萬兩比較上年少收  
銀七萬餘兩加以洋藥進口較少釐捐亦不暢旺計自上年十二  
月至本年十月僅收銀四萬八千八百餘兩連東海關解到協餉

銀六萬兩總計不足三十萬兩內除稅務司通年支用薪水等銀三萬六百兩已不敷海防月餉應撥之數又有奉撥采辦銅斤價腳銀九千九百餘兩是以更形拮据查自上年豫撥本年正月起至十一月止共在六成洋稅藥釐協餉三款內撥過支應局月餉銀二十六萬兩連銅斤價腳及稅務司薪水等項已逾三十萬之數現屆封河洋稅無可徵收藥釐更無起色本年十二月及來年正月海防月餉並稅務司來年正月薪水均須年前豫發支款尙鉅而存項一空不特本年京餉難以續解卽月餉亦尙須借款撥發請將本年未解京餉銀兩援案留備海防統免解部並免再指撥十二年分京餉等情詳請核奏前來臣查京餉爲部庫要需但有分毫可籌必應勉力措解無如津郡疊年災歉貨物滯銷稅項日形短絀海防練軍久成定額計口授食月餉實屬不敷礙難兼

顧京餉相應籲懇

天恩俯准將津海關本年未解京餉銀十萬三千五十六兩零援照歷屆成案留備海防月餉免其報解庶可稍資周轉再臣欽奉十一月十一日

上諭戶部奏撥來年京餉一摺單開天津關常稅銀五萬兩洋稅銀十萬兩仍行照常指撥等因臣查天津自通商以來陸續練兵就地籌餉保衛

京畿門戶均指洋稅爲大宗十餘年間奉撥京餉從未有如數照解之事歷任通商大臣各矢公忠情非得已茲臣將練軍各營調案營區分駐礮臺海防未能酌裁則餉項何可稍減況劉景芳所帶馬隊礮隊出防綏遠城仍由津郡支應局解濟亦有無從抽減之勢所有豫撥十二年分京餉除天津關常稅銀五萬兩仍飭該

道儘敷湊解部庫外其洋稅十萬兩必致無款可撥擬請  
敕下戶部豫籌改撥他省有著之款以免貽誤理合據實陳明伏

乞

皇太后

皇上聖鑒訓示謹

奏

試辦招商輪船摺  
同治十一年十一月二十三日

奏為派員設局招商試辦輪船分運來年江浙漕糧以備官船造成雇領張本恭摺具陳仰祈

聖鑒事竊查本年五月間臣於議覆製造輪船未可裁撤摺內籌及閩滬現造輪船皆不合商船之用將來開造商船招令華商領雇必在其兼運漕糧嗣准總理衙門奏覆以開造商船華商雇領一節李鴻章沈葆楨俱以為可行應由該督撫隨時察看情形妥籌辦理等因奉

旨依議欽此旋准總理衙門函屬遴諭有心時事之員妥議章程俟官船工竣成規具在承租者自爭先恐後誠為力求實濟起見臣反覆籌維現尚無船可領徒議章程未即試行仍屬空言無補因思同治六七年間曾國藩丁日昌在江蘇督撫任內疊據道員

許道身同知容閱創議華商置造洋船章程分運漕米兼攬客貨  
曾經寄請總理衙門核准飭由江海關道曉諭各口試辦日久因  
循未有成局僅於同治七年借用夾板船運米一次旋又中止本  
年夏間臣於驗收海運之暇遵照總理衙門函示商令浙局總辦  
海運委員候補知府朱其昂等酌擬輪船招商章程嗣又據稱現  
在官造輪船內並無商船可領該員等籍隸松滬稔知各省在滬  
殷商或僱輪船或挾資本向各口裝載貿易向俱依附洋商名下  
若由官設立商局招徠則各商所有輪船股本必漸歸併官局似  
足順商情而張

國體擬請先行試辦招商爲官商浹洽地步俟機器局商船造成  
即可隨時添入推廣通行又江浙沙甯船隻日少海運米石日增  
本屆因沙船不敷諸形棘手應請以商局輪船分裝海運米石以



補沙甯船之不足將來雖米數愈增亦可無缺船之患等情臣飭  
據津海關道陳欽天津道丁壽昌等覆核皆以該府朱其昂所議  
爲然請照戶部核在練餉制錢借給蘇浙興商章程在該商等借  
領二十萬串以作設局商本而示信於眾商仍豫繳息錢助賑所  
有盈虧全歸商認與官無涉朱其昂承辦海運已十餘年於商情  
極爲熟悉人亦明幹當即飭派回滬設局招商疊據稟稱會集素  
習商業殷富正派之道員胡光墉李振玉等公同籌商意見相同  
各幫商人紛紛入股現已購集堅捷輪船三隻所有津滬應需棧  
房碼頭及保險股分事宜海運米數等項均辦有頭緒並稟經臣  
咨商江浙督撫臣飭撥明年海運漕米二十萬石由招商輪船運  
津其水腳耗米等項悉照沙甯船定章辦理至攬載貨物報關納  
稅仍照新關章程辦理以免藉口昨據浙江糧道如山詳稱該省

新酒米數較增正患沙船不敷撥用請令朱其昂等招商輪船分運浙酒較爲便捷又准署兩江督臣張樹聲函覆以海運難在雇船今有招商輪船以濟沙衛之乏不但無礙酒行實於海運大有裨益當嚴飭江海關道等和衷協力勿致善舉中輟等語是南北合力籌辦華商輪船可期就緒目前海運固不致竭蹶若從此中國輪船暢行閩滬各廠造成商船亦得隨時租領庶使我內江外海之利不致爲洋人佔盡其關係於

國計民生者實非淺鮮除由臣隨時會同南洋通商大臣督飭各口關道妥商照料並切諭該員紳等體察商情秉公試辦勿得把持滋弊並咨明總理各國事務衙門戶部查照外所有試辦招商輪船分運江浙酒糧各緣由理合繕摺具陳伏乞

皇太后

皇上聖鑒謹  
奏

軍營米糧請免釐稅片

同治十一年十一月二十三日

臣所部淮軍馬步各營留防

畿輔軍中食米因直屬年荒糧乏就地采購爲難且恐有礙民食向於江皖等省新穀登場之際籌款豫購歷據各該統帶營官核定月需米數遴委妥員前赴江南運漕汜水寶應鹽城一帶辦運稟由臣核給護照查明各該省督撫監督飭知關局驗放准免稅釐並無夾帶包攬之弊本年八月二十九日欽奉

寄諭劉坤一奏各省采辦工程物料免完釐稅請旨停止給照嗣後除地方荒歉委員采買米穀賑濟仍准免完釐稅外其餘無論何省何營采辦一切物料概不得發給免完釐稅印照以杜流弊等因欽此當經轉行欽遵在案惟查兵食與民食並重畿防各軍當瘠苦荒歉之地必須越境采辦每交冬令卽購備來年食米待

至春夏之交河水漲發始能起運而張秋八里廟等處淺攔或須  
山外江內河層遞剝運出口海道數千里轉運到津往往風濤險  
阻時虞失事又由陸路分運各營腳價加增動致倍徙實與他處  
情形不同且兵米向有定價各營籌貼運費已屬不貲若再飭完  
釐稅恐不肖營員藉口剋扣流弊更大可否仰懇

天恩俯念畿防緊要准將各營采購米糧麩料仍照向章免稅釐  
以示體恤由臣核明給發印照嚴加查察如有委員包攬夾帶等  
弊卽行據實參辦並將水陸各營定辦兵米數目隨時咨行各督  
撫監督照驗放行約計每年軍米爲數有限尙於釐稅無礙而軍  
食得有接濟卽民食不至驟昂實與大局有裨伏乞

聖訓示謹附片具

奏

覆陳畿輔邊防摺

同治十一年十二月初五日

奏爲畿輔邊境略有防備遵

旨安籌覆陳恭摺仰祈

聖鑒事竊臣承准軍機大臣字寄十月二十三日奉

上諭鮑源深奏統籌西北大局情形一摺據稱本年甘陝之勇潰變數次勉爲安插而事端已見終屬可慮晉省密邇秦隴畿輔又與三晉毗連亟應思慮豫防請飭李鴻章於畿輔西邊要地安置數軍萬一西勇再有潰變庶可遏其東竄燕疆之路卽晉省亦得倚爲聲援等語所奏不爲無見著李鴻章斟酌情形應如何先事豫防之處卽行妥籌具奏鮑源深於秦隴壤接處所亦當妥爲布置毋稍疏虞將此各諭令知之等因欽此臣伏查軍營用兵日久所募之勇或撫馭失宜或糧餉偶缺不能保無潰變之事從前東

南軍務得手時亦閒有之但使軍威尙振賊勢不張則旋潰旋定不致震動全局甘陝各營本年雖疊有小變收撫不過數日駕馭究尙得人自金積堡克復後河州就撫西甯近亦解圍是軍情已漸有起色賊勢已漸形消敗萬一勇營再有譁潰臣竊度西陲各路防軍之力猶足制其奔突即使分竄沿邊散入腹地而甯夏有張曜一軍府谷皇甫川有宋慶一軍乾州邠州有劉盛藻一軍皆稱勁旅實爲扼塞形勝前截後追當無他虞又況山西防河之師並未減撤門戶已可自固秦晉燕各交界崇山峻嶺重關疊隘人馬掠食多有未便似無慮東竄畿疆惟兵法云無恃其不來恃我有以備之

畿輔爲根本重地外人窺伺內匪竊發刻刻堪虞臣何敢稍疏防備自九年移直卽調督部淮軍記名提督廣西右江鎮總兵周盛

傳統率盛字仁字馬步二十三營扼紫青縣靜海之交平時爲海防壯聲援有事則四處備策應並令記名提督葉志超統親軍馬隊三營留防保定協同練兵巡哨彈壓此可爲畿境游擊之師至西邊與晉省毗連要地正定大名兩鎮實扼其衝正定鎮總兵譚勝達留署大名鎮總兵彭楚漢均係宿將各統馬步練兵四五營尙屬整齊可用若有游匪潰勇入境責令實力防剿堪資捍禦惟北路宣化鎮汛地與山西大同及張家口外蒙地接壤前因庫倫設防調該鎮練兵千人前往頗資得力其存營練軍僅馬步五百名稍形單薄臣擬與練餉局司道酌籌餉需再令該鎮王可陞添練一營俾資分布直省財力奇窘疊經兵燹水旱之餘民氣彫殘正宜鎮靜休養既不敢疏虞以昧先幾又不可張皇以惑民志所自先事豫防之處應仍照舊籌辦如有意外警變再由臣審察事



勢隨時

奏明調撥以期保衛

近畿仰副

聖廩理合恭摺據實覆陳伏祈

皇太后

皇上聖鑒訓示謹

奏

宋慶勸緩赴甘肅

同治十一年十二月初五日

再據提督宋慶函稱屢奉定安鮑源深咨行

寄諭俟來歲春融仍舊該軍拔隊赴甘協剿現在料理行裝聽候  
續調惟查甘境殘破太甚各營軍糧皆從川陝購運路遠費艱該  
軍向指豫餉經河南撫臣錢鼎銘照章撥解已屬竭蹶圖維駐防  
秦邊尚可敷衍口食若遠赴甘隴所需糧運巨款豫省力難添籌  
中道必至不支等語查甘省及口外情形皆不難於添兵而難  
於添餉若不添餉則軍裝糧草轉運不及卽強將勁卒亦不能枋  
腹圖功且恐接濟偶缺軍心不固譁潰易生是添兵轉不如無兵  
也宋慶所慮固係實情左宗棠老於軍事向不欲多調客兵蓋深  
知甘境糧運維艱增兵無益前調宋慶往助想因湘營進取西甯  
苦戰力單爲此不得已之計亦未嘗及該軍糧運當由何處加撥

茲據劉錦棠稟報西甯克捷逆酋馬桂源等負創遁逃軍情大有  
轉機湘軍必可檣柱至甘涼肅州一帶又有金順督師協助前敵  
不忠之人似宋慶無須速往鮑源深統籌大局豫防後患亦欲留  
宋慶一軍扼堵河西及邊外門戶可否仰懇

敕下鮑源深傳知宋慶暫緩西進俟糧運經費籌措有著或甘省  
軍情再有變動迅卽催令拔隊庶於前後防剿機宜均有裨益理  
合附片具陳伏乞

聖鑒訓示謹  
奏

添撥永定河汛兵摺

同治十一年十二月初九日

奏爲援案添撥永定河防汛兵丁酌裁通省綠營兵一百名以資修守恭摺仰祈

聖鑒事竊據永定河道李朝儀稟稱永定河南岸隄長一百五十里北岸隄長一百五十五里四分又下口南大隄八十餘里北大隄四十餘里其計工段四百三十餘里額設修防兵一千二百三十名乾隆四十七年奉裁四十一名嗣因險工日多不敷差遣復於嘉慶七年奏請由營標提標天津宣化兩鎮簡僻營汛添撥戰兵六十名守兵三百四十名綜計各汛額兵一千五百八十九名經制額外均在其內從前河道深通經費充裕防護已形竭蹶近年廢弛積久異漲頻仍各汛險工疊出向祇一二處者今則四五處或七八處向祇數十丈者今則長一二里至十一二里額兵

止有此數埽鑲多至倍徙每遇伏秋大汛溜勢上提下挫頃刻變遷此處甫在加鑲彼處又須搶辦兵力不足動失事機又本年盛漲衝刷向稱平工者多成險要而北中汛之三四五六號埽坎近隄舊險新生情形尤爲喫重亟應趕作埽埽以防頂衝大溜原設額兵不敷工作稟請援案於本省陸營內添撥戰兵十名守兵九十名俾資修守當經飭據藩司孫觀標中軍副將冷慶會議詳稱查省標左右前後保定五營駐防省城秦甯馬蘭二鎮守護陵寢重地均未便議裁此外通省標營額兵三萬三千一名按數勻攤每三百三十名裁撥一名尙無窒礙計督標添拱夏新四營應裁守兵四名提標應裁戰兵二名守兵十七名宣化鎮應裁戰兵二名守兵十五名正定鎮應裁戰兵一名守兵八名大名鎮應裁戰兵一名守兵十一名天津鎮應裁戰兵二名守兵二十名通

永鎮應裁戰兵二名守兵十五名以上其裁戰兵十名守兵九十名請令各標自行酌量在所屬簡僻營汛如數裁汰糧缺撥交永定河道選募沿河壯丁拔補足額統限於同治十二年二月初一日以前一律裁撥齊全呈報以便分別截支餉銀俾免輻輳等情前來臣查永定河身淤高陡岸卑薄險工疊出年甚一年迥非乾嘉以前情形可比修工搶險全賴人力原設額兵實屬不敷河工例定經費既疊經部議剋減姑冀稍加兵數以補救萬分之一該司等所擬抽裁通省額兵僅及百名各營差操不致貽誤而河務修防較有裨益相應援案籲懇

天恩俯准照數裁撥由臣督飭該河道剋期募齊酌看工段險易分撥各汛協防俾資興作再查河營向例戰兵每名月支餉銀一兩七錢守兵每名月支餉銀一兩二錢遇閏加增此項餉銀卽在

綠營抽裁額餉內由藩司照章辦放仍將裁改銀數彙案分別造報除咨部查照並通行提鎮各營妥辦具覆外所有議裁綠營兵丁百名添撥永定河防汛緣由理合恭摺具陳伏乞

皇太后

皇上聖鑒訓示謹

奏

奏保李興銳片

同治十一年十二月初九日

再准補大名府知府李興銳九年引

見回省稟懇暫緩到任給假赴江甯寓所省親其時臣位直未久  
政務極爲殷繁方擬從容循例補奏適前大學士兩江督臣曾國  
藩奏請將該員開缺留於兩江酌量差委奉

旨俞允嗣准部咨以李興銳係現任人員照例不准奏調應卽比  
照終養開缺之案准在江甯養親留於兩江差委不准委署地方  
各缺亦不准奏留兩江補用俟養親事畢照例坐補原缺以杜規  
避並將臣應奏不奏交部議處等因奏奉

旨依議欽此欽遵行文到臣卽經轉行遵照在案伏查李興銳自  
咸豐年間以諸生從事曾國藩大營先後十數年未嘗一日遠離  
一事貽誤其辦事不避艱險不惜勞怨調和將士節慎餉糈最爲



得力臣前在曾國藩軍中及署任江督時久深悉其為人曾國藩嘗謂該員血性過人條理精密果毅慈惠兼而有之八年正月奏保人才摺內稱李興銳遇惠可及民者毅然爲之可決其必爲循吏擬調至直隸以其劬勞之素稍變此閒逸惰之習十年二月奏留兩江差委摺內稱李興銳廉而有爲前後一轍實爲不可多得之才等語均堪印證此次相從南下委辦金陵營務處勘定新改外海內洋水師章程及整飭綠營等事有條不紊仍遵部議並未委署地方各缺亦未奏留兩江補用該員當日稟請省親係臣批查無咎養情詞曾國藩原奏第言假期已滿缺難久懸亦無終養字樣況該員親年尙未七十又有胞弟三人侍奉核與親年七十以上家無次丁例應終養者未符部議既曰比照辦理自非勒令終養該員年方強仕才堪大用若竟拘束例文任投閒散殊爲

可惜現出金陵差使稍緩而直隸需人正殷經臣咨商署兩江督臣何璟檄調該員迎養到直合無仰懇

天恩俯准前大名府知府李興銳仍回原省候補查該員本係補缺後以道員用茲因留江差委本缺已開可否

敕部毋庸比照終養開缺坐補原缺之例免其坐補大名府知府卽以道員歸直隸補用出自

逾格恩施臣爲愛惜人材起見謹附片陳請伏乞

聖鑒訓示謹

奏

存棧練餉錢文全數發竣摺

同治十一年十二月初九日

奏爲天津存棧練餉錢文全數發竣停支棧租薪工等項恭摺仰祈

聖鑒事竊照上年南省運解練餉制錢係在津郡東門外旗昌洋行及運庫分存卽於該行設立練餉局派委員一員經書一名常川駐守並雇聽差八名分投巡察照料所需棧租員役薪水工食議定章程開支歷經前通商大臣崇厚並臣奏咨有案查天津共存前項制錢一百十六萬串內寄存旗昌洋棧一百二萬串運庫十四萬串本年春開據南省殷實典商公稟請領生息照徵息錢以爲津屬災賑及海防經費之用將來一經飭提限三箇月解津歸還當經咨商戶部奏明照辦計在洋棧發交江蘇典商制錢五十萬串浙江典商制錢三十二萬串上海輪船商局制錢二十萬

串又由運庫發交浙江典商制錢四萬串於十月間一律發竣已將輪船局並浙江典商承領原委暨先後撥發數目隨時咨部備查現在存棧錢文既經發竣棧房應即還商委員經書等亦即裁撤所需棧租薪水等項均於本年十月三十日停止以節糜費惟運庫尙存制錢十萬串應酌留聽差四名以資照料仍照章每名月支銀二兩其餘四名同日裁撤停止食據練餉局司道具詳前來除咨部查照外理合恭摺具陳伏乞

皇太后

皇上聖鑒再上年奏借練餉制錢十萬串以助賑需嗣經陸續撥發七萬八千餘串於賑捐銀內按照市價扣還旋恐銀價減落仍即易錢抵歸原數合併陳明謹

奏

文安天津大窪地蠲糧摺

同治十一年十二月十九日

奏爲查明文安天津兩縣大窪地畝糧賦擬請蠲免恭摺具

奏仰祈

聖鑒事竊查文安大窪民地與永清東安武清天津等四縣積淤  
大窪地畝歷係查勘情形分別徵豁糧賦茲查同治十一年大窪  
地畝內除永清東安武清三縣或秋禾有收或糞入各屬秋災辦  
理均應剔除外計文安縣大窪五十一村其地一千一百八十八  
頃十二畝八分六釐額徵同治十一年無閏糧銀五千七百二十  
五兩四分八釐內除永蠲十分之三銀一千七百十七兩五錢一  
分四釐四毫實應徵七成銀四千七百五錢三分三釐六毫因積  
水未消不能播種顆粒無收又天津縣趙沽里等十村減賦民糧  
地三百頃九畝六分四釐六毫六絲七忽額徵同治十一年無閏

糧銀七百四十二兩五錢一分五釐因六七月間連次大雨田禾全被水淹應請將該兩縣應徵前項糧銀照案全行蠲免又天津縣各該村同治十年蠲免案內花戶長完銀二百零七兩六錢三分五釐同治九年減免案內花戶長完銀五十八兩五錢原抵十一年正賦今十一年又經蠲免應改抵十二年正賦至該兩縣蠲免各村應完本年旗租及民欠節年糧租出借倉穀等項並請緩至同治十二年秋後啟徵據印委各員勘明擬議造冊由藩司孫觀具詳前來臣覆核無異相應懇

天恩俯准將前項糧銀正耗分別豁緩以示體恤除冊結送部外理合恭摺具

奏伏乞

皇太后

皇上聖鑒訓示謹  
奏

練軍酌添洋鎗教習片

同治十一年十二月十九日

再查軍器以洋鎗爲便利直隸練兵如保定正定大名通永各營成軍以來經臣先後酌給洋鎗操演陣技冀成勁旅然洋號口令手法步法諸多奧妙必有諳悉精熟之人隨時教習方能合式前曾添募教習戶部以章程並無此項未准開銷惟兵部會同各衙門議覆練軍營制章程聲明此後應行變通之處隨時斟酌損益奏明辦理等因洋鎗既爲必需之物教習實不可少從前專用洋人需費較鉅今准軍各營演習洋鎗已久頗能互相傳授擬令直省練軍每營步隊酌添洋鎗正教習一名幫教習四名以分教四哨均用華人其正教習月給親兵口糧一分外加薪水銀四兩幫教習每名月給護兵口糧一分外加薪水銀二兩計每營每月僅加銀十二兩需費無多而於操防較有裨益據各該統領具稟前



來相應仰懇

天恩俯准照擬添設開銷以資訓練而備調遣伏乞

聖鑒訓示謹附片具

奏

賑款請免報銷摺

同治十一年十二月十九日

奏爲查明同治十年籌辦直隸水災賑撫收發米糧銀錢棉衣各  
細數援照成案懇免造冊報銷據實繕列清單恭摺仰祈  
聖鑒事竊查直隸上年雨水成災順天保定天津河間各屬被淹  
尤廣經臣奏明籌款賑撫設局辦理先後奏蒙

恩准籌撥藩運關道各庫釐捐練餉各局並江浙購運米石折價  
銀三十八萬五千一百七十八兩八錢六分六釐三毫截留南漕正  
耗米八萬一千三百七十三石二斗一合九勺奉省粟米二萬石  
閩浙購運大米四萬五千石委員采買大米四萬三千四百石四  
斗小米三萬二千九百七十三石六升七合紅糧五萬四千六百  
八十二石七斗一升二合練餉局發交江浙典商生息款下豫繳  
息錢六萬三千六百千文又收京外官紳商民捐助銀四十四萬

九千三百二十二兩九錢四分八釐三毫制錢八萬一千五百八十四千六百三十七文米糧二萬一千四十四石一斗三升五合棉衣二十八萬一千四百九十八件江蘇鎮江紳士解津施濟糙米二千四百四十石八斗八升三合小麥四千二百七十七石五斗四升五合六勺平糶米價銀一萬一千八百九十九兩六錢六分九釐銀易制錢三萬七千一百八十八百三十一文截至本年六月底止由該局詳經臣截數

奏報嗣將撥發永定河金門閘及墊築橋道開濬各河工程動支賑款以工代賑銀二十一萬一千五百五十兩制錢一萬二千七百二十二千九百五十文米糧九千九百三十七石亦經臣專案奏准免其造冊報銷各在案茲據辦賑局司道詳稱上年各州縣村庄淹沒房屋倒塌蕩析離居竟有全村成墟者實爲數十年所

未有當將奉撥並收捐銀米棉衣暨采買糧石分撥各屬妥爲賑撫惟天津被水尤重兼之各府州屬遠至山東樂陵等處遷避流民沓來紛至自七月至九月漸多先因街道擁擠就城上搭蓋席棚分給錢米留養嗣因天氣漸寒流民愈眾卽於城關內外設立粥廠十三處備廠四處分撥住廠至十一年三月查詢里居籍貫造冊札送各州縣安插核道途之遠近酌給路費行糧分期遣散又文安大城窪區係滹沱河下游積潦五年民困已極由臣奏明加賑其青靜滄州並順屬之霸州積水久未涸退亦經酌撥銀米檄委分駐該境營員暨地方官就近設廠加賑現經綜計撥發順天府屬各州縣賑撫漕米二萬一千石粟米九千石銀二萬八千兩棉衣三萬八千七百件又發天津滄州等二十州縣賑撫暨津郡各粥廠文大等處加賑並賑務一切雜支統計漕米大

米十三萬五千四百六十五石五斗九升八合九勺粟米小米四萬八千七百三十五石二斗三升一合八勺高粱紅糧六萬六千二百七十四石六斗二升四合五勺小麥四千二百七十七石五斗四升五合九勺銀四十八萬七千七十一兩六錢九分四釐三毫八絲四忽制錢十萬五千九百七十五百十八文棉衣二十一萬四千九百十七件又除折耗大米二千三百十五石二斗六升小米四百三十七石八斗三升五合二勺高粱二百九十六石四斗九升九合五勺外實存大米六千四百九十六石三斗六升高粱九百五十五石七斗二升三合銀十一萬九千七百十八兩七錢八分九釐三毫一絲六忽制錢六萬三千六百文棉衣二萬七千八百八十一件前項銀錢衣米並本年七月以後江浙等省續解捐款一併劃歸本年賑撫並來春開河築隄以工代撫之

需仍與領奉發發各項工程銀兩分案詳報等情詳請核

奏前來臣查此次籌辦賑務均係隨時酌量變通務求實惠及民所以災重之區糧多口少較輕之處糧少口多按照升任藩司錢鼎銘詳定章程分飭遵照仍由局選派廉幹委員勸令紳董以及教讀貿易居心向善之人分投編查分別極次貧大小口按戶目覩仍再訪察隨手登記又加覆查散給門牌賑票每村先貼戶口榜示婦孺周知自十冬十一月今春三月臨放之期貧民持票赴廠面給錢米棉衣其保定等屬藩司親歷督辦天河兩屬由天津道親至各州縣監放明察暗訪自始至終均由官紳經理鄉董幫辦與草黎對面散給涓滴歸民不經胥吏之手臣復與司道密派親信多人分投查訪問閭感戴

皇恩愈稱實惠均沾歷所未見伏查向來辦賑例由藩司造冊報

部上年被災情形較重若照例定分數辦理需款更多經臣奏明  
改賑爲撫事事撙節核實文安大城天津青縣靜海滄州各處積  
水未涸例賑之外或量加撫卹一二三月或以工代賑或遴委文  
武員弁分赴各處會同廉謹紳董稽查極貧酌量接濟各州縣請  
領銀米均先出具文領到局另派紳士領回由印委各員督同偵  
查散放聞有不敷銀米零數均由地方官捐墊補足所有經費運  
腳若照例撥給爲數鉅改爲酌量撥濟明知不敷辦公飭由各  
牧令捐墊一切施放銀錢米糧棉衣均係實用實銷毫無浮冒溯  
查同治八年畿南賑災案內經前督臣曾國藩詳陳實在情形奏  
請免造報銷奉

旨允准在案此次賑廣戶繁隨時隨地核實辦理多與定例不符  
兼之各屬賠累已甚若仍責令造冊報銷部中必照定章駁斥帳

轉詳司達部節節需費州縣無從措手自應援案懇請免造細數  
清冊以歸簡易飭據該局查明各屬賑案戶口及領放銀錢米糧  
棉衣實數開單呈送核辦相應照繕清單恭呈

御覽願懇

天恩俯念此次賑撫係變通舊章辦理均係實惠及民毫無朦混  
且綜計賑撫之款捐項居多

敕部准免造冊報銷以示格外體恤除分咨查照外所有查明直  
屬賑案支銷數目懇免造銷據實開單奏報緣由理合恭摺具  
奏伏乞

皇太后

皇上聖鑒訓示敕部知照施行謹

奏



謹將同治十年籌辦直隸水災賑撫收發米糧銀錢棉衣細  
數據實繕具清單敬呈

御覽

計開

收數項下

一收截留江蘇漕米五萬石

又剥船耗米八百五十八石二斗五升一合二勺

一收截留浙江漕米三萬石

又剥船耗米五百十四石九斗五升七勺

一收截留奉省粟米二萬石

一收浙江采買米五千石

一收福建采買米四萬石

一收松滬局捐輸購買米三萬三千石

一收京外直省官民捐助大米三千石小米五千二百石高粱一萬二千八百四十四石一斗三升五合

一收江蘇鎮江紳士解津施濟糙米二千四百四十石八斗八升三合小麥四千二百七十七石五斗四升五合六勺

一收委員采買大米一萬四百石四斗

一收委員采買小米三萬二千九百七十三石六升七合

一收委員采買紅糧五萬四千六百八十二石七斗一升二合

一收藩庫兵餉項下撥銀二十萬兩

一收運庫撥銀五萬兩

一收省城練餉局天津釐捐局長盛運庫津海關道庫各撥銀五

千兩共銀二萬兩

一收天津道庫存未解部同治六年災賑案內賑米變價銀七千六百十七兩八錢六分六釐三毫

一收江蘇賑米折價銀五萬兩

一收浙江賑米折價銀三萬七千五百兩

一收山東釐捐項下撥銀二萬兩

一收京外直省官商捐銀四十四萬九千三百二十二兩九錢四分八釐三毫

一收平糶大米價銀一萬一千八百九十九兩六錢六分九釐

一收練餉錢發典生息項下豫繳年利制錢六萬三千六百千文

一收京外直省官民捐助制錢八萬一千五百八十四千六百三

十七文

一收銀易制錢三萬七千一百八十八百三十一文

一收京外直省官民捐助棉衣二十八萬一千四百九十八件

以上共收漕米大米十七萬五千二百十四石四斗八升四合九勺內除已銷河工橋道以工代賑大米九千九百三十七石應存大米十六萬五千二百七十七石四斗八升四合九勺

粟米小米五萬八千一百七十三石六升七合

高粱紅糧六萬七千五百二十六石八斗四升七合

小麥四千二百七十七石五斗四升五合六勺

銀八十四萬六千三百四十兩四錢八分三釐六毫內除已銷河工橋道以工代賑銀二十一萬一千五百五十兩應存銀六十三萬四千七百九十兩四錢八分三釐六毫

制錢十八萬二千二百九十三千四百六十八文內除已銷

河工橋道以工代賑制錢一萬二千七百二十二千九百五十文應存制錢十六萬九千五百七十千五百十八文

棉衣二十八萬一千四百九十八件

支銷項下

一發天津縣貧民七萬三千三百五十六戶共大小折成十九萬二千九百二十六口

冬春賑撫大米二萬三千六百四十九石三斗三升五合

小米一萬四千一百二十三石

銀一千九百二十九兩五錢四分七釐一毫

制錢六萬九千零六千二百九十五文

棉衣二萬七千二百二十七件

楊柳青鎮賑廠貧民五千四百九十五戶共大小折成一萬三千

四百五十四口

紅糧六千五百三十一石一升二合五勺

制錢三千二百三十千六百四十文

棉衣一千九百件

一發滄州貧民四萬五千四百五十五戶共大小折成二十萬二千四百五十八口

冬春賑撫大米一萬五千石

紅糧一萬三千一百二十五石七斗五升

銀二萬八百七十五兩五錢五分四釐四毫

運腳經費銀一千五十八兩二錢

棉衣一萬五千五百件

一發青縣貧民五萬二千六百九十六戶共大小折成十三萬二

千十四口

冬春賑撫大米一萬石

紅糧一萬一千八百十八石七斗六升二合

粟米四千石

銀二萬五千六百兩

運腳經費銀七百八十兩五錢三分九毫

棉衣一萬五千五百件

一發靜海縣貧民七萬一千七百八十五戶共大小折成十九萬

六千四口

冬春賑撫大米二萬二千五百五十石

紅糧一萬四百三十三石四斗三升五合

銀二萬二千九百六兩九錢四分一釐六毫

運腳經費銀四百八十六兩七錢一分九釐二毫

棉衣一萬五千八百件

一發南皮縣貧民六千七百八戶共大小折成二萬三千七百九口半

冬賑銀二千八百兩

棉衣七千件

一發鹽山縣貧民八千六百二十一戶共大小折成一萬二千七百十七口半

冬春賑撫銀九千九百兩

棉衣四千件

一發河間縣貧民二萬一千七百四十六戶共大小折成六萬八千三百六口



冬春賑撫大米一萬二千石

銀一萬八千五百四十八兩一錢一分八釐八毫

運腳經費銀七百二十五兩五分七釐四毫

棉衣九千五百件

一發任邱縣貧民一萬六千四百九十六戶共大小折成六萬一

千九百十六口

冬春賑撫大米三千石

銀五千九百兩

運腳經費銀三百四十三兩七錢一分四釐

棉衣四千件

一發交河縣貧民五千五百九十一戶共大小折成一萬九千三

百六十三口

冬春賑撫大米一千石

紅糧三千七百五十石

銀七千七百兩

運腳經費銀三百兩

棉衣六千件

一發東光縣貧民五千七十三戶其大小折成八千八百七十七

口  
冬春賑撫大米一千五百石

銀七千二百五十五兩三錢七釐

運腳經費銀一百八十六兩

棉衣六千件

一發吳橋縣貧民六千三百六十戶其大小折成一萬九千五百

冬春賑撫紅糧二千石

銀三千六百兩

運腳經費銀四百八十兩

棉衣四千件

一發獻縣貧民二萬一千一百六十戶共大小折成八萬二千五

百四十六口

冬春賑撫大米四千七百石

紅糧二千八百石

銀一萬二千六百兩

運腳經費銀四百四十三兩四錢三分七釐

棉衣九千五百件

一發景州貧民一千四百五十五戶共大小折成五千六百二十七

口

賑撫銀一千兩

一發安州貧民一萬二千三百八十六戶其大小折成三萬二千一百三十七口

冬賑大米三千三百六十三石

銀六千九百七十三兩五錢三分

運腳經費銀四百八十二兩二錢八分五釐

棉衣二千件

一發高陽縣貧民二千六十六戶其大小折成五千八百三十二

口

冬春賑撫大米一千二百石

銀二千三百五十兩

運腳銀一百二十兩

棉衣一千件

一發安平縣貧民三千一百四十六戶其大小折成一萬二百七

口半

冬賑銀五千一百三十七兩九錢四分八釐四毫

一發新城縣貧民一萬二千戶其大小折成一萬七千四百三十

六口

冬春賑撫大米三千石

銀五千四百兩

運腳經費銀四百五十一兩四錢二分八釐

棉衣二千件

一發雄縣貧民一萬二百八十六戶其大小折成三萬二千三百

三十五口

冬春賑撫大米六千石

銀一萬一千六百兩

運腳經費銀六百四十二兩八錢五分七釐

棉衣四千一百件

一發豐潤縣貧民一萬三千二百七戶其大小折成五萬六千

五百十九口半

冬春賑撫紅糧三千石

銀八千兩

運腳經費銀三百兩

一發唐山縣貧民二百六十一戶其大小折成五百八十七口半

冬撫銀一千兩

一撥順天府屬漕糧二萬一千石粟米九千石內發

文安縣漕米六千石

霸州漕米四千五百石

東安縣漕米三千石

保定縣漕米一千五百石

寶坻縣漕米六千石

甯河縣粟米四千石

大城縣粟米五千石

一撥順天府屬春撫銀二萬八千兩由順天府尹分撥文安大城

霸州保定寶坻甯河武清涿州宛平良鄉等十州縣領放訖

一撥順天府屬棉衣二萬三千七百件又添撥棉衣一萬五千件

內由通永道解順天府尹衙門散放六門六鎮棉衣六千件

提督衙門左翼總兵散放棉衣一千五百件

蘆臺通判散放棉衣二百件

又撥發通州棉衣一千件

香河縣棉衣二百件

武清縣棉衣三千八百件

甯河縣棉衣四千件

寶坻縣棉衣四千件

大城縣棉衣四千五百件

文安縣棉衣四千六百件

霸州棉衣一千二百件

永清縣棉衣一千件

固安縣棉衣一千件



東安縣棉衣一千件

保定縣棉衣七百倍

大興縣棉衣六十件

宛平縣棉衣三百二十件

涿州棉衣九百倍

良鄉縣棉衣七百倍

房山縣棉衣二十件

張家灣粥廠棉衣四百件

王莊粥廠棉衣四百件

呂祖祠粥廠棉衣七百倍

王恕祠粥廠棉衣四百件

法華庵粥廠棉衣一百件

一撥發省城棉衣八千六百三十件內

清苑縣棉衣五千件

滿城縣棉衣五百件

安肅縣棉衣五百件

博野縣棉衣五百件

蠡縣棉衣五百件

保定府城散放棉衣一千二十件

保定城守尉散放棉衣五百件

雄縣城守尉散放棉衣一百件

一發津郡饒賑四處自十年十月二十六日起至十一年三月初

六日止施饒百日並展放紅糧一月

東饒賑災民一萬九千九百七十口除年例商捐不計外

粟米三百五十石

紳董購買糧豆柴薪銀六千八百七十四兩一錢九分二釐

棉衣八千八百五十件

南饒廠災民二萬八千六百五十五口

紅糧六千七百五十五石五斗

紳董添購糧豆柴薪銀六千三百七兩五錢三分三釐

棉衣一萬一千七百五十件

西饒廠災民二萬六千二百二十口

紳商捐辦購買糧豆柴薪銀一萬二千六百三十兩三錢二分二釐

釐

棉衣一萬二千九百五十件

北饒廠災民一萬四千二百八十六口

紅糧一千五百石

紳董購買糧豆柴薪銀六千六百八十八兩九錢五分五釐五毫

棉衣七千五百五十件

一發津郡流民施粥共十三廠

小聖廟自十年十一月初四日起至十一年三月初七日止每日收養流民計八百餘口至六千五百三十餘口

小米二千九百三十五石六斗九合

經費銀七百六十五兩二錢六分二釐八毫

棉衣三千五百四十六件

藥王廟自十年十一月初四日起至十一年二月底止每日收養流民計二千餘口至三千五百餘口

小米一千一百七十五石九斗三升二合五勺

棉衣二千二百件

白衣庵自十年十一月初四日起至十一年二月底止收養流民

二千二十四口

小米一千一百石

經費銀三百四十兩

棉衣一千一百五十件

城隍廟自十年十月十三日起至十一年三月初七日止收養流

民七千四百五十九口

小米二千三百二十六石三斗四升七合五勺

紳董添購米石柴薪銀三千三百八兩四錢一分二釐

棉衣五千一百八十九件

海會寺自十年十二月十一日起至十一年三月初七日止每日

收養流民計一千餘口至七千二百餘口

小米一千一百五十石

紳董添購米石柴薪銀一千四百二十八兩五錢七分一釐

棉衣四千五十一件

河東三甲自十年十二月初二日起至十一年二月二十四日止  
每日收養流民計一千七百餘口至三千二百九十餘口  
小米四百九十一石二斗二升二合

紳董添購米石柴薪銀一千四百二十兩一分六釐五毫

棉衣一千一百四十三件

西大藥王廟自十年十月十五日起至十一年三月初七日止每  
日收養流民計一千一百餘口至六千一百七十餘口

小米二千四百五十石

經費銀五百七十一兩四錢二分八釐六毫

棉衣三千六百九十三件

僧王祠自十年十月初七日起至十一年二月初十日止每日收  
養流民計九百餘口至一千一百餘口

小米四百七十九石一斗一升七合五勺

經費銀三百五十兩

棉衣六百三件

仁天寺自十年十月初八日起至十一年二月底止每日收養流  
民計一千二百餘口至一千八百餘口

小米八十四石七斗七升

紳董添購米石柴薪銀九百五十兩八分九釐六毫

棉衣一千一百四十三件

鄉祠自十年九月十五日起至十一年四月十九日止每日收養  
流民計一千二百餘口至三千九百二十餘口

小米二千五百七十一石三斗一升

經費銀七百五十兩五錢一分四釐二毫

棉衣二千一百九十件

閻家大院自十年十月初一日起至十一年三月初四日止收養

災民二千四百六十九口

紳董捐辦米石柴薪銀四千五百六十八兩三分四釐八毫

棉衣一千二百十三件

天安寺米廠災民三百四十一口自十年七月初八日起至十一

年二月二十五日止

小米二百十八石二升五合



棉衣九十五件

順家店米廠災民一千八百二十口自十年七月二十日起至十

一年二月底止

小米一千五百石

棉衣九百五件

一發遣散各廠流民行糧小米四千五百二十四石八斗九升八

合三勺

一發遣散各廠流民分給盤費制錢七千五百七十六千四百四

十六文

一發津郡城上搭棚收養災民銀五千兩

一發津郡四鄉摘撫制錢四千四百八十七千七十五文

一發津郡平糶大米一萬二千六百三十六石八斗四升

一發天津靜海兩縣極重災民酌給籽種制錢八千五百二十八千文

一發大沽撫卹米廠災民八千七百二十口自十年九月初一日起至十一年正月月底止

小米二千六百五十五石

棉衣三千三十九件

一發文安大城加賑內

文安縣災民大小折成十萬三千九百九十口半

大米九千四百四十九石三升四合四勺

紅糧四千石

粟米四千石

小麥四千二百七十七石五斗四升五合六勺

制錢一萬一千一百二十八千六百二十文

各項經費制錢一千四百六十六千九百八十一文

運腳銀一千三百五十兩七錢六分二釐一毫

大城縣災民大小折成四萬二千六百四十五口半

大米三千石

粟米二千六百石

紅糧五百九十石一斗六升五合

貧民腳力制錢二百一千四百六十一文

運腳銀三百六十三兩二錢八分五釐七毫

一發霸州加賑積水未消各村災民八千八百四十六口半

撫卹銀一千兩

一發滄州加賑粥廠委樂字營管帶提督丁德昌會同地方官辦

理自十一年二月十六日起至五月初五日止收養災民計五千四百餘口至二萬四千七百三十餘口

大米四千四百十七石三斗九升四合

柴薪席棚經費銀一千三百三十七兩九錢一分六釐七毫

一發購買陳家溝義地價制錢三百四十五千文

一發修理北倉廩座工料銀五百五十三兩五錢七分

一發滬局采買大米三萬三千石價銀六萬二千五百四十二兩

三錢八分四釐九毫

一發解還上海轉運局墊付運津米石棉衣輪船水腳銀九千三

百六十九兩九分八釐

一發江浙各省捐助棉衣並采買糧石由大沽運津運腳等費銀

六千四百五十四兩六錢三分六釐二毫

一發委員采買大米一萬四百石四斗價銀一萬九千一百二十七兩四錢六分三釐八毫八絲四忽

一發委員采買粟米三萬二千九百七十三石六升七合價銀五萬三千六百三十七兩八分三釐六毫

一發委員采買高粱五萬四千六百八十二石七斗一升二合價銀六萬八千二百九十九兩九錢四分二毫

一發采買委員薪水盤費銀九百八十五兩三錢二分八釐

一發易錢用銀二萬一千二百五兩四分六釐二毫

一發局用書役紙張飯食雜支銀一千十四兩六錢七分二釐

一折耗大米二千三百十五石二斗六升

一折耗小米四百三十七石八斗三升五合二勺

一折耗紅糧二百九十六石四斗九升九合五勺

以上共支銷大米十五萬八千七百八十石八斗五升八合九勺

粟米小米五萬八千一百七十三石六升七合

小麥四千二百七十七石五斗四升五合六勺

高粱紅糧六萬六千五百七十一石一斗二升四合

銀五十一萬五千七十一兩六錢九分四釐三毫八絲四忽  
制錢十萬五千九百七十千五百十八文

棉衣二十五萬三千六百十七件

實存大米六千四百九十六石六斗二升六合

紅糧九百五十五石七斗二升三合

銀十一萬九千七百十八兩七錢八分九釐二毫一絲六忽

制錢六萬三千六百千文

棉衣二萬七千八百八十一件

以上所存米糧銀錢棉衣等項均歸十一年賑撫並各處河  
工以工代賑之用合併聲明

十八方繞越遠土每方銀一錢九分四釐計銀一千零五十一兩零九分二釐

又填墊跌水溝槽工長十丈共土二百四十六方近土每方銀九分四釐計銀二十三兩一錢二分四釐

以上輓鑲大壩臨河邊埽並加添秫秸迎腳幫寬後戗加高壩頂填墊跌水溝槽共用銀三萬二千一百四十三兩六錢內銷六銀一萬九千二百八十六兩一錢六分賠四銀一萬二千八百五十七兩四錢四分

一補還南二工旱口門長四十五丈頂寬五丈五尺底寬十三丈五尺高二丈計土八千五百五十方又培築外戗長四十五丈頂底均寬二丈高一丈四尺計土一千二百六十方又培修兩頭殘缺湊長八十五丈頂底均寬二丈八尺高二丈計土四千七百六



十方共計土一萬四千五百七十方繞越遠土每方銀一錢九分  
四釐計銀二千八百二十六兩五錢八分

又填墊跌水坑塘地平土面寬五丈底寬三丈五尺牽深四尺長  
十四丈七尺計土二百四十九方九尺近土每方銀九分四釐計  
銀二十三兩四錢九分

一早口門邊埽連兩頭護埽共二十六段計長一百三十丈均鑲  
墊二十二層計銀二千八百零四兩二錢三分

以上補還早口門原隄加築外餵填墊跌水坑塘並護隄埽  
段共計銀五千六百五十四兩三錢內銷六銀三千三百九  
十二兩五錢八分賠四銀二千二百六十一兩七錢二分

一挑挖引河自漫口以下蘆溝橋南岸石隄五號尾起至鳳河雙  
口村迤東止開段挑挖共八十六分共長一萬六千五百五十丈

挑口寬二十丈至十丈底寬十二丈至七丈二尺深一丈五尺至五尺不等共土一百二十四萬三千六百九十八方一尺二寸五分方價不一計銀十六萬一千五百五十六兩七錢九分

一廬溝橋上下東西兩岸修補坍塌殘缺片石石子隄埵並拘批等工計銀二萬七千兩

一南七工旱壩計長二千六百五十五丈內有舊河形兩道築頂寬五丈至二丈五尺底寬十六丈至五丈七尺高二丈二尺至八尺不等共計土十二萬三千一百四十五方二尺方價不一計銀一萬二千八百四十四兩五錢四分

前工兩處舊河形計長一百丈計應下新埽二十段兩頭護埽八段共二十八段均鑲墊二十層計銀三千一百五十五兩四錢六分

以上南七旱塌土壩各工共計銀一萬六千兩

一修補北下汛十三四五六號殘缺隄工共計長五百六十丈培築內外幫加高隄頂添築外戩其土五萬六千五百三十二方方價不一計銀一萬零三百五十一兩二錢三分

前工十三號添下新壩十二段十四五兩號添下新壩四十段十六號添下新壩二十段共新壩七十二段鑲墊八層至十五層計銀五千六百四十八兩七錢七分

以上北下汛十三四五六號土壩各工共計銀一萬六千兩一修補南二工十六七兩號殘缺隄長三百二十丈培內幫隄頂加高築外戩其土二萬三千零二十三立方方價不一計銀三千一百零五兩九錢六分二釐

前工十六七兩號添下新壩六十四段計長三百二十丈鑲墊十

七層至二十層計銀五千五百九十二兩三錢九分

一十七號尾築順隄塼長十二丈頂寬二丈底寬五丈六尺高一丈計土四百五十六方還土每方銀一錢四分九釐計銀六十七兩九錢四分四釐

前工添下新塼三段計長十二丈鐵墊二十一層計銀二百一十七兩五錢八分四釐

一十七號尾又補殘缺隄頂均寬三丈四尺三寸均高五尺計長十丈共土一百七十一方五尺近土每方銀九分四釐計銀十六兩一錢二分

以上南二工十六七兩號修補殘缺隄塼等工計銀九千兩一修補北二上汛殘缺隄長一百七十丈培內外幫隄頂加高添築外戢填墊溝槽共土二萬四千二百四十一方四尺方價不一

計銀四千六百八十九兩二錢九分一釐二毫

前工添下新埽二十段計長九十丈均鑲墊二十層計銀一千八百一十兩零七錢一分

以上北二上汛修補殘缺土埽等工計銀六千五百兩

一修補北四上汛頭二號殘缺隄長二百八十五丈埽內外幫隄頂加高添築外戩填墊地平溝槽其土二萬六千八百七十九方五尺方價不一計銀四千一百六十一兩三錢五分

二號添下新埽三十段計長一百五十丈均鑲墊十二層計銀二千一百三十八兩六錢五分

以上北四上汛修補殘缺隄埽等工計銀六千三百兩

一南北兩岸禦水土埽各工計銀二萬兩

一南北兩岸善後土工計銀一萬兩

以上統共計銀三十一萬一百五十四兩六錢九分

日本使臣來津換約摺  
同治十一年十二月二十日

奏爲接據日本使臣照會來津換約據情奏請

欽派大臣以便屆期商辦恭摺仰祈

聖鑒事竊照同治十年七月間臣欽奉

諭旨與日本使臣伊達宗城議定兩國修好條規通商章程當即

會同書押鈐印並由臣奏明將原本進

呈嗣於十一年四月間該國使臣柳原前光復來津商求酌改數

條又經臣督同津海關道陳欽記名海關道孫士達等再三辨駁

擇其無關緊要者酌允三條令其奉批回國並與議明該國如遣

使來華換約照章以禮接待等因於本年五月二十八日具

奏在案茲據江蘇江海關道沈秉成稟稱十二月初二日有駐滬

日本繙譯官神代延長齋到日本外務大臣副島十一月二十日

照會臣處公文一件屬爲轉遞到臣當即拆閱該使照會內稱該國赴西洋改約使臣未定何日言旋若必俟其歸方行換約似覺太晏殊違通例因奏奉該國主即派該外務大臣副巒種臣來華換約所有前使議准事宜可悉照辦今聞我皇上親政在邇當送書仰買擬於來月下旬啟行過滬趕入津門煩爲豫前奏請

欽派大臣以便到即換約覲奉國書恭仰

慶賀等情並據開送隨員銜名清單等情前來臣查歷辦各國換約成案在滬在津本無一定日本此次議約商改向俱來津辦理此次該國外務大臣副巒種臣前來換約兼有奉送國書恭仰慶賀之語情詞尙屬恭順自未便強令在滬商辦約該使臣最妙至滬開春冰泮必即乘輪舟至津亦自不可阻遏之勢既經接據



照會應查照舊章像請

欽派大臣辦理日本換約事宜以昭妥慎至該國自議約後凡遇交涉事件尙請曉諭即如本年秋間祕魯國商船拐賣粵民三百三十人經過日本盤獲全數扣留當即知照江海關派員赴東洋帶回禮數周摯此次換約據稱該國王諭令前遣使臣議准事宜可悉照辦似應無甚疑難惟據稱覲奉國書一節竊慮臨時必附從西洋各國合同請

覲冀得仰沐

恩寵可否請

敕下總理各國事務王大臣密爲籌議屆期傳知臣等轉商該使遵照其原存合訂漢洋文條規章程應按照成案由總理衙門知照內閣恭用

御覽發交換約大臣祇領照辦除將日本使臣照會清單鈔錄恭

呈

御覽仍將原照會封送軍機處備查並緘咨總理衙門知照外所  
有日本使臣來津換約據情轉陳緣由理合由驛恭摺具

奏伏乞

皇太后

皇上訓示遵行謹

奏

謹將日本使臣照會並隨員銜名單照繕清單恭呈

御覽

大日本欽命總理外務大臣副島爲照會事於本年二月間特派員齎呈公文以我國改西約請緩換約之期便議照改事宜經蒙貴國爵大臣回文並委津海關道陳憲會議將該各節請批裁撥繳回到本大臣業已感悉據情奏准在案惟我改約欽使束祖西轉已經一載未定何日言旋本大臣切思若必俟其歸方行換約似覺太晏殊違通例茲復疏請當派欽使先行互換旋於十一月十九日奉旨外務大臣副島種臣著卽適清換約所有前遣使臣議准事宜可悉照辦今聞

清帝大婚已諧親政在邇朕當送書伸賀爾其致之欽此本大臣奉卽促裝擬於來月下旬啟行過滬買舟趕入津門決不遲誤爲

此備文照會貴閣爵大臣煩爲查照豫前奏請

欽派大臣以便到卽換約覲奉國書恭仰

慶賀須至照會者明治五年十一月二十日

計送隨員名單一紙

外務大丞柳原前光

外務少丞平井希昌

外務少丞鄭永甯

判任隨員三人

語生二人

從士六人

外務顧問李仙得

總領事井田讓

李文忠公奏稿卷二十

奏稿二十

共